

891.5(09)

5-203

ივანე ჯავახიშვილის სახელობის თბილისის
სახელმწიფო უნივერსიტეტი

ხელნაწერის უფლებით

თეა ჯანაშია

„შერე ნოუ“ და ფორუყ ფარონზადის
ცხოვრება და შემოქმედება

10. 01. 06 - მახლობელი აღმოსავლეთის
ხალხთა ლიტერატურა

ფილოლოგიის მეცნიერებათა კანდიდატის სამეცნიერო
ხარისხის მოსაპოვებლად წარმოდგენილი დისერტაციის

აკტორეფერატი

თბილისი 2003

ივანე ჯავახიშვილის სახელობის თბილისის
სახელმწიფო უნივერსიტეტი

ხელნაწერის უფლებით

თეა ჯანაშია

„შერე ნოუ“ და ფორუყ ფაროხზადის
ცხოვრება და შემოქმედება

10. 01. 06 - მახლობელი აღმოსავლეთის
ხალხთა ლიტერატურა

ფილოლოგიის მეცნიერებათა კანდიდატის სამეცნიერო
ხარისხის მოსაპოვებლად წარმოდგენილი დისერტაციის

აკტორეფერატი

თბილისი 2003

-1922-

ნაშრომი შესრულებულია ივანე ჯავახიშვილის სახელობის თბილისის სახელმწიფო უნივერსიტეტის აღმოსავლეთმცოდნეობის ფაკულტეტის ირანული ფილოლოგიის კათედრაზე

სამეცნიერო ხელმძღვანელი:
ფილოლოგიის მეცნიერებათა კანდიდატი,
დოცენტი **ლილი ჟორჯოლიანი**

ოფიციალური ოპონენტები:
ფილ. მეცნ. დოქტორი **მაია მამაცაშვილი**
ფილ. მეცნ. კანდიდატი, დოც. **მარიამ მიქაშავიძე**

დისერტაციის დაცვა შედგება 2003 წ. „30“ „ლექსები“
ივანე ჯავახიშვილის სახელობის თბილისის სახელმწიფო უნივერსიტეტის ფილოლოგიის დარგის სადისერტაციო საბჭოს
P 10. 05. №4 სხდომაზე

მისამართი: 380028, თბილისი, ი.ჭავჭავაძის გამზირი №36

დისერტაციის გაცნობა შეიძლება თსუს სამეცნიერო ბიბლიოთეკაში

მისამართი: უნივერსიტეტის ქუჩა №2
ავტორეფერატი დაგზავნა 2003 წ. „28“ „ნოემბერი“

დისერტაციის საბჭოს სწავლული მდივანი,
ფილოლოგიის მეცნიერებათა კანდიდატი
დოცენტი **რ. ცინითათრიშვილი**

რ. ცინითათრიშვილი

ნაშრომის ზოგადი დახასიათება

ნაშრომი ეხება XX საუკუნის 20-იანი წლების ირანში აღმოცენებული ახალი ლიტერატურული მიმართულების ე.წ. „შერე ნოუს“-ახალი ეპოქის ლექსის ერთ-ერთი საუკეთესო წარმომადგენლის ირანელი პოეტი ქალის ფორუყ ფაროხზადის ცხოვრებასა და შემოქმედებას, რომლის პოეზიას ცნობილმა ირანელმა კრიტიკოსმა რეზა ბარაჰანიმ „ირანელ ქალთა დაღლილი სიჩუმის აფეთქება“ უწოდა.

ფორუყ ფაროხზადის შემოქმედებამ განსაკუთრებული ხიბლით შემოსა ახალი ლიტერატურული მიმართულების ზოგად მხატვრული ჟღერადობა და მნიშვნელოვანი როლი ითამაშა „შერე ნოუს“ დახვეწისა და დამკვიდრების ისტორიულ პროცესში.

ფორუყ ფაროხზადის პოეზიამ, რომელსაც არაერთგვაროვანი შეფასება მისცეს მისი ლიტერატურულ არენაზე გამოჩენის საწყის ეტაპზე, შეძლო ღირსეული ადგილი დაემკვიდრებინა სპარსული პოეზიის იმ ულამაზეს სამყაროში, საიდანაც საუკუნეების მანძილზე იღებდა საზრდოს თითოეული ირანელის ცნობიერება. მისი ლექსისთვის დამახასიათებელმა დინამიზმმა და ექსპრესიულობამ, გრძნობათა გამოხატვის უჩვეულო მანერამ ირანელის ლამაზი პოეზიით გაჯერებული სულიც მოხიბლა და დაატყვევა.

სადისერტაციო ნაშრომის მიზანია შევისწავლოთ ახალი ეპოქის ლექსისთვის დამახასიათებელი ტენდენციები და ის თავისებურებანი, რითაც გამოირჩევა ახალი მიმართულების ე.წ. „შერე ნოუს“ ერთ-ერთი თვალსაჩინო წარმომადგენლის ფორუყ ფაროხზადის შემოქმედებითი მემკვიდრეობა. გავეცნოთ არა მარტო მისი პოეზიისა და პროზის ნიმუშებს, არამედ ღრმად გავანალიზოთ ფორუყისეული ლექსის სტრუქტურული მონახაზი, ჩავწვდეთ მისი პოეზიის იმ არაჩვეულებრივ ბუნებასა და ხასიათს, რამაც განაპირობა მისი პოპულარობა არა მარტო ირანში, არამედ ქვეყნის ფარგლებს გარეთ. გავეცნოთ პოეტის